

Monopoly Graubünden

Grazia a la Unique Gaming Partners e
la Lia Rumantscha uss er en rumantsch

■ (Ir) Dapi paucs dis datti da «Monopoly», il giu da tavla il pli enconuschent en l'entir mund, er ina versiun dal chantun Grischun en rumantsch grischun e tudestg. L'idea da realisar in agen Monopoly per il chantun Grischun han gi Grischun Vacanzas e l'agenzia da giesus UGP dal Liechtenstein. «Igl è gia daditg uras ch'il Grischun – cun ses 7105 km² il chantun svizzer cun la pli gronda surfatscha – survegnia in'atgna ediziun da Monopoly», manegia *André Tschumper*, il manader da fatschenta da la UGP. La Lia Rumantscha ha translata tut ils texts en rumantsch grischun. Il giu è biling e cuntegna ultra da duas instrucziuns da giu

era dus sets da chartas, in en rumantsch grischun ed in en tudestg.

Ina chasa cun rendita a Scuol u a Poschiavo, duas a Tavau, in hotel a Maiavilla ed in a Zernez u tuttina pli gugent ina lingia da la Viafier retica? Monopoly è in giu interessant per dus fin sis giugaders per ina saira patgifica tranter amis u cun l'entira famiglia.

Monopoly Graubünden: in'ediziun bilingua limitada per endretgs Grischuns u quels che vulan anc daventar Grischuns.

Il giu pon ins retrair tar la Lia Rumantscha (tf: 081 258 32 22 u www.liarumantscha.ch) ed en tut las librerias che vendan products rumantschs. El custa 79.90 francs.

